



Broj:  
Sarajevo, 12. XI 2004.

M E D I J I M A

Predmet: saopštenje za javnost

AGENCIJA ZA BANKARSTVO FBiH

Ukinuta dozvola za rad Gospodarske banke Mostar

Agencija za bankarstvo FBiH ukinula je danas ( 12. XI 2004.) dozvolu za rad Gospodarske banke dd Mostar i otvorila postupak njene likvidacije. Na ovaj potez Agencija se odlučila polazeći od prijedloga privremenog upravnika Gospodarske banke Mostar i Odluke Federalnog ministarstva finansija o otvaranju postupka likvidacije te banke koja je u državnom vlasništvu. Za likvidacionog upravnika imenovan je Senad Kazazić.

Privremena uprava u Gospodarsku banku Mostar uvedena je krajem septembra 1999. godine zbog nelikvidnosti čiji uzrok je bila loša naplata potraživanja. Pored toga, nije ispunjavala ni druge uslove predviđene Zakonom o bankama (visina kapitala), a trebalo je da bude i privatizirana. Tokom privremene uprave činjeni su naponi na iznalaženju partnera za prodaju, spajanje, pripajanje ili dokapitalizaciju banke. Objavljen je javni poziv u medijima u BiH i Hrvatskoj za prikupljanje ponuda potencijalnih interesenata, a direktno su upućeni pozivi na adrese deset banaka u BiH i jednoj u Hrvatskoj. Na žalost, i pored brojnih kontakata i pregovora nije bilo konkretnih rezultata. U međuvremenu, banka je prestala sa aktivnim radom. Praktično, banka ne ispunjava minimalne zakonske uslove za poslovanje, a proces privatizacije nije pokrenut sa mrtve tačke.

Likvidacioni upravnik će u roku od sedam dana od prijema rješenje o postavljenju u medijima objaviti poziv povjericima banke da prijave sva potraživanja koja će se izmirivati iz likvidacione mase. Procjenjuje se da bi likvidaciona masa koja će biti formirana mogla biti dovoljna za isplatu obaveza koje banka ima, izuzev za isplate po osnovu dioničkog kapitala.

Ukidanjem dozvole Gospodarskoj banci Mostar u bankarskom sistemu FBiH ostaju 24 banke od kojih je pet pod privremenom upravom – Poštanska, Ljubljanska i Privredna banka Sarajevo, Una banka Bihać i Hercegovačka banka Mostar.

Ured FBA za informisanje

Ibrahim Polimac